



# Kgosi Mothupi le morwadiagwe

Amana Yunus  
Setswana





African  
Storybook.org

The logo for African Storybook.org features a stylized white cloud with a brown book icon inside it. The text 'African Storybook.org' is written in a blue, sans-serif font across the cloud. The logo is set against a yellow background with white clouds and a dotted line.

Bogogolotala go ne go le kgosi e bidiwa Mothupi. O ne a dula mo ntlong ya segosi le mmakgosi le morwadiabona, kgosatsana Dineo.

Bontle jwa ga kgosatsana Dineo one a le bontle jwa go tshwana le naledi mme banna botlhe ba motse ba ne ba batla go mo nyala. Kgosi Mothupi o ne a batla magadi a a thibang letsatsi.





Gaufi le ntlo ya segosi go ne go dula kgosana nngwe e bidiwa Moroka o mogolo. O ne a bidiwa o "mogolo" ka gone o ne a obamelwa ke batho botlhe ba motse. (Fa o ne o sa mo obamele o ne a go tthagisetsa kotsi!)

E ne e se kgale mosadi wa ga kgosana Moroka a tlhokafetse ka ntlha ya malaria. Kgosana o ne a batla mosadi o mongwe.

Ka jalo kgosana e e nonneng ebile e tsofetse e, e ne ya etela Kgosi Mothupi ka maikaelelo a go ntshetsa kgosatsana Dineo magagdi.

Fa banna ba babedi ba ba ntse ba bua, mothusi wa mo ntlung ya kgosi, Phemelo, o ne a utlwa puisano ya bona. Phemelo le kgosatsana Dineo ba ne ba utlwana thata.





Kgosana Moroka o ne a dumelana le Kgosi Mothupi gore o tla mo fa bontlhabongwe jwa khumo ya gagwe, go akaretsa le nalata, e le yona e neng e le karolo ya magadi.

Dipaakanyo tsa lenyalo magareng ga kgosana Moroka le kgosatsanaDineo di ne tsa diriwa mo sephiring. Kgosi e ne e itse gore morwadie a ka se itumelele kakanyo e.

Beke pele ga lenyalo sa segosi, Phemelo ile a ya kwa go Dineo.

“Kgosatsana ya me e e rategang, rrago o rulagantse lenyalo la gago le kgosanan Moroka, mme lona le tla diragala mo sebakeng sa beke.






Kgosatsana Dineo o ne a maketse mme a sa itse gore a dire eng. Jaanong a nagana, " Ga ke na go nyala kgosana Moroka, monnamogolo ole o o nonneng. Le eseng! Ke tshwanetse ke etele Lefika ke bone gore a ka se thuse pele go nna thari."


Lefika e ne e le lekau la ga kgosatsana Dineo.

Bosigo joo Dineo a ngwega mo ntlong.  
Fa ragwe a ka itse gore o ya kae o tla  
tenega thata.

O ile a taboga mo gare ga sekgwa se se  
kitlaneng, se se lefifi se na le mmitlwa le  
matlapa, go fitlha a goroga kwa go  
Lefika. O ne a fitlha a lapile, a tshwerwe  
ke tlala le lenyora.








“Moratiwa, goreng o tlile o le esi kgakala jaana ka nako e?” ga botsa Trevor. O ile a mo siela metsi mme a mo tlogela gore a ikhutse.

Lefika o ne a sa kgone go itshoka fa a ntse a emetse Dineo gore a bue.

“Kgosatsana ya me e e rategang, bothata ke eng?” Lefika a botsa.

Dineo a hemela kwa godimo mme ka kutlobotlhoko a re, “Rre o batla go nnyadisa kgosana Moroka o mogolo. Mme nna nka se kgone go nyala monna o le. Lefika, ke batla go nyalana le wena le fa o le modidi. Ke ikemiseditse go sotlega. Ke a go rata.”





"Fela kgosatsana, ga ne ka sepe se nka se fang rrago, o a itse gore ke mosimane wa modidi," Lefika a lela.

"Ke a itse, fela ke wena fela monna o nka nyalanang le ena," ga araba Dineo.

O ile a nagana mme morago ga nako a re, "A re tsamae re ye kwa go Thabang monna wa mokoro gore a re tshedise noka. Ka mkgwa oo re ka tshaba mme rre a ka se tlhole a re bona."

Kwa ntlong ya segosi, Kgosi Mothupi o lemogile gore kgosatsana Dineo ga a teng mme a laela bathusi ba gagwe gore ba mmatle motse otlhe.

Badisa ba kgosi, masole le baagi botlhe ba motse ba ile ba batla gotlhe mme ba se bone kgosatsana Dineo.

Ba ile ba boela kwa kgosing mme ba mmolelela gore ga ba a bona Dineo gope. "Jaanong lo ye go mmatla kwa nageng" Kgosi Mothupi a ntsha molao. O ne a tenegile.





Fa kgosatsana Dineo le Lefika ba itlhaganelela kwa ditshitshing tsa noka, loapi le ila la aga maru a mantsho. Go ne go tla pula ya matlakadibe.

Thabang rramokoro o ne ntse a baakanya mokoro wa gagwe fa baratani ba ba tla mo go ena. Lefika o ile a kopa Thabang gore a ba tshedise noka.

Thabang o ne a gana, a tlhalosa gore go tla pula ya matlakadibe mme ga go a sireletsega.





Lefika o ile a pateletsa mme a tlhalosetsa Thabang mabaka a bona. O ne a tsha legago mme a le fa Thabang.

Fa Thabang a utlwa mathata a bona mme a bona legago le lentle, o ne a ba utlwela botlhoko. O ne a dumela go ba tshedisa noka maemo a loapi a ntse a sa dumele.

Thabang o ile a atumetsa mokoro gaufi le bona mme a re ba palame. O ile a tshimolola go kgweetsa mokoro wa gagwe ka baratani ba.

Fa Kgosi Mothupi le kgosana Moroka ba fitlha kwa ditshitshing tsa noka, ba ile ba bona batho ba bararo mo mokorong. Ba lemoga gore barati ba bašwa ba tshabile.







Diphefo tse di bokete di ile tsa fekeetsa mokoro mme Thabang o ne a palelwa ke go o laola.

"Boa tswee-tswee. Ke go itshwaretse. Nka se go otlhae kgotsa Lefika."

Mme go ne go setse go le thari. Mokoro o ne wa fetoga mme boraro jwa bona ba nwela mo metsing a a neng a tletse bogale.

Go tloga ka letsatsi leo, moagi mongwe le mongwe wa motse wa ga Kgosi Mothupi o ne a letlelewa go nyala motho yo a mo ratang, mohumi kgotsa modidi.

# Kgosi Mothupi le morwadiagwe

Writer: Amana Yunus

Illustration: Natalie Propa

Translated By: Lorato Trok

Language: Setswana



© African Storybook Initiative, 2014



This work is licensed under a Creative Commons Attribution  
(CC-BY) Version 3.0 Unported Licence

Disclaimer: You are free to download, copy, translate or adapt this story and use the illustrations as long as you attribute or credit the original author/s and illustrator/s.